

## **South Sotho - Basadi Mangolo - Wives Scriptures**

**BaEfese 5:22-24 Lona basadi, le ikokobetse katlasa banna ba lona, jwalo kaha le ikokobetsa ho Morena; 23 hobane monna ke hlooho ya mosadi, jwalo kaha Kreste le yena e le hlooho ya kereke, mme ke yena Mmoloki wa mmele wa hae. 24 Jwalo kaha kereke e ikokobetsa katlasa Kreste, basadi le bona ba ikokobetse ho banna ba bona jwalo nthong tsohle.**

**BaEfese 5:31,33 Ke ka baka leo ho ngodilweng, ho thwe: Monna o tla tlohela ntatae le mmae, a kgomarele mosadi wa hae, mme ba babedi e tla ba nama e le nngwe feela. 33 Leha ho le jwalo, e mong le e mong ho lona a fele a rate mosadi wa hae jwalo kaha a ithata, mme mosadi yena a hlomphe monna wa hae.**

**1 BaKorinthe 7:3 Monna a nee mosadi seo e leng tshwanelo, le mosadi a etse jwalo ho monna wa hae.**

**1 BaKorinthe 7:34 Mosadi ya nyetsweng le morwetsana ha ba tshwane. Ya sa nyalwang o hlokomela tsa Morena, a tle a halalele mmeleng le moyeng; empa ya nyetsweng o hlokomela tsa lefatshe lena, le kamoo a ka kgahlisang monna wa hae kateng.**

**BaKolose 3:18 Motho a se ke a le hlokisa moputso ka ho rata ha hae, ka taba tse kang boikokobetso, le tshebeletso ya mangeloi, a ikenya ho tseo a sa kang a di bona, ke ho ikgohomo setsa lefeela ka kutlo ya hae ya nama,**

**1 Timothea 2:11-15 Mosadi a ithute a kgutsitse, ka kutlo yohle. 12 Hobane ha ke dumelle mosadi ho ruta, leha e le ho laola monna; a mpe a itulele ka ho ikgutsetsa. 13 Hobane Adama o bopilwe pele, hamorao ha bopjwa Eva; 14 mme hase Adama ya thetsitsweng, empa mosadi, hobane a thetswe, o hlahisitse tlolo. 15 Leha ho le jwalo, o tla bolokeha ha a tswala bana, ha a hlola tumelong, le leratong, le kgalalelong, a ena le tshabo.**

**Genese 3:16 A re ho mosadi: Ke tla o atisetsa bohloko ba hao haholoholo kemarong ya hao: o tla beleha bana ka bohloko; ditakatso tsa hao di tla ba ho monna wa hao, mme o tla buswa ke yena.**

**1 Petrose 3:1,2 Haele lona basadi, le utlwe banna bao e leng ba lona jwalo, hore leha ba bang ba ka ba teng ba sa dumeleng lentswe, ba mpe ba hapuwe, leha e ke ke ya eba ka lentswe, e be ka metsamao ya basadi ba bona, 2 ha ba lemoha metsamao ya lona e hlwekileng, e nang le hlompho.**

**Tite 2:1-5 Haele wena, o bolele tse lokelang thuto ya pholoh. 2 Bolella banna ba hodileng hore ba tshabe botahwa, ba tshabe le ho saoha, ba be le kelello, ba loke tumelong, le leratong le mamellong. 3 Le bona basadi ba hodileng ba be le motsamao o lokelang kgalalelo, e se ke ya eba basebi, ba se ke ba ineela veine e ngata, ba rute tse ntle, 4 ba tle ba hlalefise ba batjha, ba ba rute ho rata banna ba bona, le ho rata bana, 5 ho phela ka kelello, le ho hlweka, le ho itulela mahae a bona; e be basadi ba molemo, ba utlwang banna ba bona, hore lentswe la Modimo le se ke la nyefolwa.**

**DiProverbia 12:4 Mosadi ya kgabane ke moqhaka ho monna wa hae; empa ya**

**hlabisang dihlong o jwaloka ho bola masapong a hae.**

**DiProverbia 14:1 Mosadi ya bohlale o haha ntlo ya hae; empa ya se nang kutlo o e qhaqha ka matsoho a hae.**

**DiProverbia 19:13 Ngwana ya lehlaswa ke tllokotsi ho ntatae, empa mosadi wa dikomang ke metsi a sa kgaotseng ho rotha dintshing tsa ntlo.**

**DiProverbia 21:9,19 Ho ikahela ntlheng ya marulelo ho molemo ho ena le ho dula tlung e kgolo hammoho le mosadi wa dikomang. 19 Ho ikahela feelleng ho molemo ho ena le ho dula le mosadi wa dikomang, ya bohale.**

**DiProverbia 25:24 Ho ikahela ntlheng ya marulelo a ntlo, ho molemo ho ena le ho dula ka tlung e kgolo le mosadi ya omanang.**

**DiProverbia 27:15,16 Metsi a rothang dintshing tsa marulelo a ntlo, a sa kgaotse mohla sekgohola, le mosadi ya dikomang, ke ntho e le nngwe. 16 Ya ka lekang ho mo phoka, a ka kgutsisa moyo; letsoho la hae le letona le ka tshwara ole.**

**DiProverbia 31:10-31 Mosadi ya kgabane ke mang ya tla mo fumana? Ke ya bohlokwa ho fetisa diperela hole. 11 Pelo ya monna wa hae e a mo tshepa, mme a ke ke a hlokiswa leruo. 12 O mo etsa hantle, e seng hampe, ka matsatsi wohle a ho phela ha hae. 13 O ipatlela boyo ba dinku le lene, mme o sebetsa ka matsoho ka thabo. 14 O tshwana le dikepe tsa mohwebi, o lata bohobe ba hae hole. 15 O tsoha e sa le bosiu, o abela ba ntlo ya hae dijo, le makgabunyane a hae mesebetsi. 16 O kgahlwa ke tshimo, a ye a e reke; ka tseo a di sebeleditseng, o hloma tshimo ya merara. 17 O itlama letheka ka matla, mme o matlafatsa matsoho a hae. 18 O thabela leruo la mahlahahlaha a hae; le bosiu lebone la hae ha le time. 19 Matsoho a hae a tshwara thupa ya ho ohla, menwana ya hae e tsamaisa thupa e etsang ditshwele. 20 O fuparollela bafumanehi seatla sa hae, o se otlollela mohloki. 21 Ha a tshohe lehlwa bakeng sa ba ntlo ya hae, hobane ba ntlo ya hae bohle ba apere dikobo tse futhumetseng. 22 O itohela diphate tse ntle; ho apara ha hae ke lene le sekarelata. 23 Monna wa hae o tsejwa kgorong ya motse, ha a dutse hara banna ba baholo ba setjhaba. 24 O etsa masela a lene, o rekisa ka wona, le dinyepa o rekisa ka tsona ho mohwebi. 25 Matla le hlompho ke seaparo sa hae, o tsheha letsatsi la hosasane. 26 O ahlamisa molomo wa hae ka bohlale, molao o mosa o lelemeng la hae. 27 O aloso ntlo ya hae, ha a je bohobe ba botswa. 28 Bara ba hae ba tsoha, mme ba mmitsa ya lehlohonolo. Monna wa hae le yena o a mo roris, 29 o re: Baradi ba bangata ba bile kgabane, empa wena, o ba feta bohle. 30 Kgahleho e a thetsa; botle ke bosawana! Mosadi ya tshabang Jehova ke yena ya tla roriswa. 31 A ke a je tholwana tsa matsoho a hae, mme mesebetsi ya hae e mo rorise kgorong tsa motse.**